

I – AKTI OPĆINSKOG VIJEĆA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-23-2370/11

Datum, 14.10.2011. godine

Na osnovu člana 11. stav 2. Zakona o komunalnim djelatnostima („Službene novine Zeničko–dobojskog kantona“ broj 17/08) i člana 25. Statuta općine Zavidovići („Službeni glasnik općine Zavidovići“ broj: 5/08 i 5a/08), Općinsko vijeće Zavidovići, na 38. sjednici, održanoj dana 14.10.2011. godine, donijelo je

ODLUKU

o standardima komunalnih usluga
na teritoriji općine Zavidovići

Član 1.

Odlukom o standardima komunalnih usluga (u daljem tekstu Odluka) utvrđuju se standardi vršenja usluga individualne i zajedničke komunalne potrošnje na području općine Zavidovići.

Član 2.

- a) Uslugama individualne komunalne potrošnje u smislu ove Odluke, smatraju se:
- Snabdijevanje pitkom vodom,
 - Odvođenje otpadnih voda,
 - Snadbjevanje prirodnim gasom
 - Snabdijevanje toplotnom energijom,
 - Obavljanje javnog prevoza putnika,
 - Prikupljanje i odvoz komunalnog otpada iz stambenih i poslovnih objekata i poslovnih prostora na deponiju,
 - Odlaganje komunalnog otpada,
 - Održavanje javnih parking prostora i javnih garaža,
 - Obavljanje pogrebnih poslova,
 - Održavanje tržnica i pijaca na malo,
 - Obavljanje dimnjačarskih poslova,
 - Higijenska, strvoderska i kafilerijska djelatnost,
- b) uslugama zajedničke komunalne potrošnje smatraju se:
- Odvođenje atmosferskih voda,
 - Održavanje čistoće na javnim površinama i gradskim ulicama,
 - Održavanje javnih površina,
 - Održavanje globalja i njegove prateće infrastrukture
 - Održavanje javne rasvjete,
 - Obavljanje kafilerijskih usluga,

- 589 -

- Dekorisanje,
- Održavanje javnih česmi i fontana i javnih kupatila i javnih nužnika,
- Održavanje javnih satova
- Zbrinjavanje komunalnog otpada nastalog u okviru djelatnosti zajedničke komunalne potrošnje,
- Čišćenje i razgrtanje snijega i leda sa javnih gradskih površina i lokalnih puteva, i posipanje abrazivnim materijalom ulica i lokalnih puteva,
- Održavanje pasivnih mezarlika – grobalja, spomenika i spomen kosturnica i prateće infrastrukture u užem urbanom dijelu grada.

Član 3.

SNABDIJEVANJE PITKOM VODOM

Pod snabdijevanjem pitkom vodom podrazumjevaju se poslovi zahvatanja, prečišćavanja i distribucije vode za piće vodovodnom mrežom do mjernog instrumenta korisnika, uključujući i mjerni instrument, odnosno zajednički mjerni instrument kod objekata zajedničkog stanovanja ako nema mjernog instrumenta do ulaznog šahta.

Obavezno je obezbjeđenje pretpostavki za kontinuirano snabdijevanje pitkom vodom tokom cijele godine.

Pritisak u cijevima mora zadovoljavati standarde na način da je omogućen normalan pritisak, kada su za to ostvarene tehničke mogućnosti, koji obezbjeđuje normalno korištenje kućanskih aparata i sanitarnih uređaja na svim visinskim tačkama isporuke.

Ispravnost vode će se redovno kontrolisati i o rezultatima nalaza obavještavati javnost.

Kontinuirano raditi na poboljšanju uslova isporuke, kao i kvaliteta isporučene vode za piće.

Član 4.

ODVOĐENJE OTPADNIH VODA

Obezbjediti pretpostavke za kontinuirano odvođenje otpadnih voda kroz zajedničku kanalizacionu mrežu tokom cijele godine, a po zahtjevu korisnika, odnosno po nalogu inspektora na teret korisnika.

Član 5.

SNABDIJEVANJE TOPLOTNOM ENERGIJOM

- Sezona grijanja traje u periodu od 15.10. budžetske do 15.04. naredne godine.
- Ukoliko su vanjske temperature tokom tri uzastopna dana u 21:00 h niže od 12°C, grijanje će trajati i duže, uz obračun i ispostavu računa i za taj period.
- Grijanjem se obezbjeđuju temperature u unutrašnjim prostorijama iznad 18°C, u periodu od 06.00 h do 22.00 h.

Član 6.

PRIKUPLJANJE I ODVOZ KOMUNALNOG OTPADA IZ STAMBENIH I POSLOVNIH OBJEKATA I POSLOVNIH PROSTORA NA DEPONIJU

Pod prikupljanjem i odvoženjem komunalnog otpada iz stambenih objekata i poslovnih prostora na deponiju podrazumjeva se prikupljanje komunalnog otpada na za to određenim mjestima i njihovo odvoženje na deponiju.

- 590 -

NAZIV ULICE	(Kontejner, korpica, vreća) Broj pražnjenja sedmično				Broj pražnjenja/ odvoza za kontejnere V=1,1/5 m ³	Broj pražnjenja/ odvoza za korpice
	Kontejne r V=1,1 m ³	Kontejne r V=5 m ³	Korpica	Vreća		
Alije Izetbegovića	5/5	¼	19/6	-	1300/208	5928
Mehmed paše Sokolovica	3/5	0/0	6/6	-	780	1872
Safvet bega Basagica	0/0	0/0	4/6	-	0	1248
Dobrovoljnih davalaca krvi	0/0	0/0	6/6	-	0	1872
Spomenik 1992.-1995.	0/0	0/0	9/6	-	0	2808
Prvomajska	10/5	0/0	0/0	-	2600/0	0
Gazi Husrev Bega	10/5	1/3	0/0	-	2600/156	0
Maršala Tita	2/5	0/0	1/6	-	520/0	312
Autobuska stanica	1,3	0/0	0/0	-	156/0	0/0
Spomenik 1941.-1945.	0/0	0/0	6/6	-	0	1872
Abdul Vehaba Ilhamije	0/0	2/2	0/0	-	0/208	0
Patriotske lige	0/0	1/2	0/0	-	0/104	0
Asim Čamdžić	0/0	2/2	0/0	-	0/208	0
Stjepana Radića sa Podhodnikom i stepeništem (245,34 m ²)	3/5	0/0	0/0	-	780/0	0
35. divizije	3/5	0/0	1/5	-	780/0	52
Roncadelle	0/0	0/0	0/0	-	0	0
Stepeništa prema ALD i Centru za socijalni rad	0/0	0/0	0/0	-	0	0
Sportska igrališta u Ul. Prvomajska i u Novom Naselju	0/0	0/0	0/0	-	0	0
Pješački most „Duga“ sa prilazima	0/0	0/0	0/0	-	0	0
Most 318. brdske brigade sa prilazima	0/0	0/0	0/0	-	0	0
Plato ispred Doma kulture	0/0	0/0	0/0	-	0	0
Plato ispred hotela „Kristal“	0/0	0/0	0/0	-	0	0
Husein kapetana Gradašćevića	8/5	0/0	0/0	-	2080/0	0
Mehmeda Spahe	0/0	3/5	0/0	-	96	0
Radnička	1/5	0/0	0/0	-	260/0	0
Voćarski put	0/0	1/1	0/0	-	0/52	0
15. septembar	0/0	1/1	0/0	-	0/156	0

Hasana Kjafije Pruščaka	4/5	0/0	0/0	-	1040/0	0
Tvornička	0/0	1/1	0/0	-	0/52	0
Osmog marta	7/5	0/0	0/0	-	1820/0	0
Sarajevska	2/5	0/0	0/0	-	520/0	0
Stepenište, plato i ulica pored ograde Prve osnovne škole do kraja stepeništa pored Inženjeringa	0/0	0/0	0/0	-	0	0
Plato ispred „Stare opštine“	1/0	0/0	0/0	-	52/0	0
Stepenište u Ul. Pinkasa Bandta i „Redžepovo“	1/1	0/0	0/0	-	52/0	0
Krivajski most sa prilazima	0/0	0/0	0/0	-	0	0
Bosanski most sa prilazima	0/0	0/0	0/0	-	0	0
Zlatnih Ljiljana	16/5	0/0	11/6	-	4160/0	3432
Dr Pinkasa Bandta	3/0	0/0	10/6	-	780/0	0
Cumurana	0/0	4/3	0/0	-	0/624	0
Kulina Bana	0/0	1/3	0/0	-	152	0
Matije Gupca	0/0	2/1	0/0	-	0/104	0
Omladinska	1/5	0/0	0/0	-	260/0	0
Podubravlje	6/5	0/0	0/0	-	1560/0	0
Biljačički put	0/0	1/1	0/0	-	0/52	0
Nikola Tesla	3/5	0/0	0/0	-	780/0	0
Braće Garankić	0/0	0/0	0/0	-	0	0
Dubravački put	6/5	0/0	0/0	-	1560/0	0
Gazije	0/0	0/0	0/0	150/ 2		0
Uljički put	0/0	0/0	0/0	26/2		0
Dubravica, Kremen, Grlići	0/0	0/0	0/0	?/1		
Kontejneri koji se voze u sklopu komunalne higijene						
Kontejner u Dolovima V=5 m ³	0/0	1/1	0/0	-	0/52	0
Kontejner kod pumpne stanice Potklečje V=5 m ³	0/0	1/1	0/0	-	0/52	0
Uz rijeku Krivaju 1,1m ³ , 4 kontejnera 5,0 m ³ , 1 kontejner	4/3	½	0/0	-	624/104	0
Uz rijeku Gostović 5,0 m ³ , 3 kontejnera	0/0	3/2	0/0	-	0/312	0
Korištenje deponije			0/0		3.286,40 m ³	

- 592 -

Član 7.

ODLAGANJE KOMUNALNOG OTPADA

Pod odlaganjem komunalnog otpada podrazumjeva se obrađivanje i trajno odlaganje komunalnog otpada na deponiju, otvaranje, saniranje, i zatvaranje deponije po posebnim propisima.

Član 8.

ODRŽAVANJE JAVNIH PARKING PROSTORA

Pod održavanjem javnih parking prostora podrazumjevaju se svakodnevno održavanje prostora na kojima se pružaju usluge parkiranja motornih vozila.

Opća parkirališta u gradu su:

- u ulici "Alije Izetbegovića", dijelu ulice "15.septembar", dijelu ulice "Mehmed Paše Sokolovića" i dio ulice «Stjepana Radića»
- prostor između salona namještaja i ulice "Mehmed Paše Sokolovića" do realizacije regulacionog plana "Centar 1", navedeni prostor obuhvata parking mjesta ispred Salona namještaja i prvi red parking mjesta drugog platoa,
- prostor između ABC blokova prema ulici "Dr. Pinkasa Bandta",
- prostor ispred tvornice montažnih kuća,
- prostor ispred naselja "Gaj" I i II,
- prostor između naselja "Stadion" prema ulici "Gazi Husrev-begova",
- prostor ispred ABC blokova prema ulici "Alije Izetbegovića",
- dio prostora preko puta zgrade "Parnjača"
- prostor ispred zgrade "B" u ulici "Abdulvehaba Ilhamije",
- prostor u ulici "Gazi Husrev-begova" preko puta bolnice,
- prostor ispred restorana hotela "Kristal",
- prostor ispred glavnog ulaza JU «Centar za kulturu» Zavidovići,
- prostor ispred Doma invalida uz «Radničku» ulicu,
- prostor u Radničkoj ulici kod bivše "Kantine" preko puta kapije pilane,
- prostor u ulici «Maršala Tita», sa obje strane ispred "Starog hotela", uređen parking prostor u produžetku poslovne zgrade, kod bivše rampe.
- prostor oko naselja "Branioci grada" I,
- prostor preko puta kapije "Ziko" d.o.o. Zavidovići i "Ferimpex" d.o.o. Zavidovići,
- prostor ispred sportske dvorane,
- prostor u ulici "Husein-kapetana Gradaševića", ispred zgrade broj I
- prostor sa desne strane ceste prema Dolini, uz tržnicu na malo privrednog društva «BN-STEP» d.o.o. Zavidovići,
- prostor kod JKP "Radnik" d.o.o. Zavidovići,
- prostor ispred upravne zgrade JP "Šumsko privrednog društva ZE-DO kantona»

Posebna parkirališta:

Mjesto gdje se mogu parkirati teretna vozila, traktori, autobusi i putnički automobili sa kamp-prikolicama je:

- dio platoa u ulici «Radnička» preko puta kapije pilane IP "Krivaja", kod bivše kantine.

Rezervisani prostori za parkiranje su:

- prostor u ulici «Dobrovoljnih davalaca krvi» između zgrade Općine Zavidovići, Policijske stanice Zavidovići i Općinskog suda u Zavidovićima».
- prostor ispred Doma kulture prema hotelu "Kristal" u ulici "Hasana Kjačije Pruščaka", rezervisan za autobuse,

- prostor kod zgrade RIV-a u Ulici "Hasana Kjafije Pruščaka" prema rijeci Bosni, rezervisan za RVI,

- prostor u krugu JU «Doma zdravlja sa poliklinikom» Zavidovići u ulici "Gazi Husrev-begova», rezervisan za službena vozila i vozila zaposlenih ustanove,

Taksi stajališta:

- prostor ispred Doma kulture u ulici «Hasana Kjafije Pruščaka», sa desne strane u pravcu kretanja,

- ulica "Alije Izetbegovića" u dužini parka između zgrade Pošte i lamele 4, Naselje "Stadion", na lokaciji zelene površine po privedenoj namjeni

- Dio prostora ispred Zgrade Doma zdravlja uz ulicu "Gazi Husrev-begova"

Na dijelu platoa kod zgrade željezničke stanice – ulica «35.Divizije».

- Uz lijevu stranu ulice «Safvet bega Bašagića» od raskrsnice sa ulicom «Alije Izetbegovića» i ulicom «dr.Pinkasa Bandta»».

Autobusna stajališta javnog gradskog saobraćaja su:

- sa desnu stranu regionalne ceste Žepče – Zavidovići iz pravca Zavidovića, na lokaciji kod zgrade «tehničkog pregleda» gdje će se vršiti okretanje autobusa,

- sa desnu stranu regionalne ceste Žepče – Zavidovići iz pravca Žepča na lokaciji početka ulice «Oslobodilaca Gostovića»,

- sa desnu stranu regionalne ceste Žepče – Zavidovići iz pravca Zavidovića na lokaciji završetka ulice «Oslobodilaca Gostovića»,

- sa desnu stranu regionalne ceste Žepče – Zavidovići iz pravca Žepča na lokaciji proširenja kod postojeće raskrsnice sa nerazvrstanim putem u ulici «Oslobodilaca Gostovića»,

- sa desnu stranu regionalne ceste Žepče – Zavidovići iz pravca Zavidovića na lokaciji prije stovarišta građevinskog materijala u ulici «Oslobodilaca Gostovića»,

- na desnoj kolovoznoj traci regionalne ceste Žepče – Zavidovići iz pravca Žepča na lokaciji neposredno naspram ulaza u «rasadnik» u ulici «Zlatnih ljiljana»,

- sa desnu stranu regionalne ceste Žepče – Zavidovići iz pravca Zavidovića na lokaciji kod ulaza u «rasadnik» u ulici «Zlatnih ljiljana»,

- sa desnu stranu regionalne ceste Žepče – Zavidovići iz pravca Zavidovića na lokaciji postojećeg proširenja kod ulaza u objekat zv. «garaža» u ulici «Zlatnih ljiljana»,

- sa desnu stranu regionalne ceste Žepče – Zavidovići iz pravca Žepča na lokaciji prije raskrsnice ulice «Zlatnih ljiljana» i ulice «Gajska»,

- sa desnu stranu regionalne ceste Žepče – Zavidovići iz pravca Žepča na lokaciji kod zgrade zvana «Žepačka» u ulici «Zlatnih ljiljana»,

- sa desnu stranu regionalne ceste Žepče – Zavidovići iz pravca Zavidovića na lokaciji nakon raskrsnice u ulice «Zlatnih ljiljana» i ulice «Safvet bega Bašagića»,

- sa desnu stranu regionalne ceste Žepče – Zavidovići iz pravca Zavidovića na lokaciji u ulici «dr. Pinkasa Bandta» naspram zgrade zvana «Samačka»,

- sa desnu stranu regionalne ceste Žepče – Zavidovići iz pravca Žepča na lokaciji u

ulici «dr. Pinkasa Bandta» kod zgrade zvana «Samačka»,

- sa desnu stranu ulice «Radnička» na lokaciji prema objektu zvanom «Stovarište»,

- na desnoj kolovoznoj traci ulice «Radnička» na lokaciji kod objekta zvanom «Carina»,

- na desnoj kolovoznoj traci regionalne ceste Zavidovići-Maglaj iz pravca Zavidovića, prije raskrsnice ulice «Krivajska» i ulice «Uljički put».

- sa desnu stranu regionalne ceste Zavidovići-Maglaj iz pravca Zavidovića, na lokaciji nakon ulaza u objekat zvanom «Centar» u ulici «Krivajska».

- 594 -

Član 9.**OBAVLJANJE POGREBNIH POSLOVA**

Pod obavljanjem pogrebnih poslova podrazumjeva se preuzimanje, opremanje, prijevoz umrlog lica do objekta mrtvačnice odnosno groblja.

Član 10.**ODRŽAVANJE TRŽNICA**

Pod održavanjem tržnica podrazumjevaju se održavanje određenih otvorenih ili zatvorenih prostora na kojim se pružaju usluge obavljanja prometa živim namirnicama i drugim proizvodima te uređivanje i održavanje istih svakodnevno.

Član 11.**OBAVLJANJE DIMNJAČARSKIH POSLOVA**

Pod obavljanjem dimnjačarskih djelatnosti podrazumjeva se provjeravanje ispravnosti i funkcionisanje dimovodnih objekata i uređaja za loženje i čišćenje dimovoda. Pročišćavanje i čišćenje dimovodnih objekata i uređaja za loženje vršit će se jednom godišnje.

Član 12.**HIGIJENSKA, STRVODERSKA I KAFILERIJSKA DJELATNOST**

Pod higijenskom djelatnošću podrazumjeva se vršenje deratizacije, dezinfekcije i dezinfekcije dva puta godišnje.

Član 13.**ODVOĐENJE ATMOSFERSKIH VODA**

Za normalno funkcioniranje saobraćaja u naseljenim mjestima, a iz razloga zaštite asfaltnih zastora na gradskim ulicama, potrebno je održavati oborinsku kanalizaciju tokom cijele godine.

Odvodnja atmosferskih voda obuhvata sljedeći obim radova, nužno potreban za urbani dio općine Zavidovići:

- popravak revizionih okana, tijela slivnika i spojeva slivnika na kanalizaciju
- podizanje okvira i namještanje poklopaca
- čišćenje slivnika, taložnika i spoja slivnika na kanalizaciju, vađenje taloga i odvoz na deponiju.
- zamjena dotrajalih LŽ poklopaca ili rešetki na revizionim oknima ili slivnicima.

Član 14.**ODRŽAVANJE ČISTOĆE NA JAVNIM POVRŠINAMA I GRADSKIM ULICAMA**

a) Suho čišćenje javnih površina (trgova, ulica, parkinga, trotoara...) od 01.01. do 31.12. svake godine.

I - Ulice i objekti zajedničke komunalne potrošnje koji se čiste pet puta sedmično:

1. «Alije Izetbegovića»,
2. «Mehmed Paše Sokolovića»,
3. «Safvet Bega Bašagića»,
4. «Dobrovoljnih davalaca krvi»,
5. Spomenik 1992.-1995. ,
6. «Stjepana Radića» sa Podhodnikom i pripadajućim stepeništem (245,34 m2),
7. «35. Divizije»,

II - Ulice i objekti zajedničke komunalne potrošnje koji se čiste tri puta sedmično:

1. «Prvomajska»,
2. «Gazi Husref Bega»,
3. «Maršala Tita»,
4. Autobuska stanica,
5. Spomenik 1941.-1945.,
6. «Hasana Kjačije Pručaka»,

III - Ulice i objekti zajedničke komunalne potrošnje koji se čiste dva puta sedmično:

1. «Abdulvehaba Ilhamije»,
2. «Patriotske lige»,
3. «IDČ Asim Čamdžić»,
4. «15. Septembar»,
5. «Roncadelle»,
6. Stepeništa prema ALD-u i Centru za socijalni rad
7. Sportska igrališta u Ul. Prvomajska i u Novom Naselju
8. Pješački most „Duga“
9. Most «318. Brdske brigade»
10. Plato ispred Doma kulture
11. Plato ispred hotela „Kristal“ , osim dijela parkinga za goste hotela

IV - Ulice i objekti zajedničke komunalne potrošnje koji se čiste jedan puta sedmično:

1. «Husein Kapetana Gradašćevića»,
2. «Radnička»,
3. «Voćarski put»,
4. «Tvornička»,
5. «Osmog marta»,
6. «Sarajevska»,
7. Plato ispred „Stare općine“
8. Stepenište u ul. Pinkasa Bandta i „Redžepovo“,
9. «Krivajski most»,
10. «Bosanski most»,
11. «Gostovički most»,

V - Ulice i objekti zajedničke komunalne potrošnje koji se čiste dva puta mjesečno

1. «Zlatnih Ljiljana», samo trotoari,
2. Dr «Pinkasa Bandta», samo trotoari,
3. «Krivajska», samo trotoari,
4. «Ćumurana»,
5. «Kulina Bana»,
6. «Matije Gupca»,
7. «Omladinska»
8. «Podubravlje»
9. «Biljački put»
10. «Nikola Tesla»
11. «Braće Garankić»
12. «Dubravački put»
13. «Mehmeda Spahe»

- 596 -

b) Pranje javnih saobraćajnih površina

Pranje javnih saobraćajnih površina obavljat će se mašinski (auto-cisternom). Pranje javnih saobraćajnih površina se vrši u periodu od 01.04. do 15.11. svake godine.

Ulice i objekti koji će se prati jedan puta mjesečno do 15-og u mjesecu:

1. «Alije Izetbegovića»,
2. «Mehmed Paše Sokolovića»,
3. «Safvet Bega Bašagića»,
4. «Gazi Husrev Begova»,
5. «Husein Kapetana Gradašćevića»,
6. «Prvomajska».

Ulice i objekti koji će se prati jedan puta godišnje, u junu:

1. «Patriotske lige»,
3. «Maršala Tita»,
4. «Zlatnih Ljiljana»,
6. Dr. «Pinkasa Bandta»,
7. Plato ispred „Stare općine“,
8. Krivajski most,
9. Bosanski most,
10. Autobuska stanica,
11. Spomenik 1992.-1995,
12. Spomenik 1941.-1945.
13. „Oslobodilaca Gostovića“

Ulice i objekti koji će se prati dva puta godišnje, u junu i avgustu:

1. «15. Septembar»,
2. «Abdul Vehaba Ilhamije»,
3. «Asim Čamdžić»,
4. «Radnička»,
5. «Stjepana Radića» sa Podhodnikom i pripadajućim stepeništem (245,34 m2),
6. «35. Divizije»,
7. «Roncadelle»,
8. Most «318. Brdske brigade» sa prilazima,
9. Plato ispred Doma kulture,
10. Plato ispred hotela Kristal osim dijela parkinga za goste hotela.
11. „Gazija“
12. „Česme“
13. „Mehmeda Spahe“ do raskrsnice sa ulicom „Čazima Vukovića-Vika“
14. „Osmog marta“
15. „Kulina Bana“ sa ulazom u naselje „Branjoci grada II“

c) Održavanje i uređivanje javnih zelenih površina

Pod održavanjem i uređivanjem javnih zelenih površina podrazumijeva se uređivanje, čišćenje, košenje i sakupljanje trave i otpada s javnih zelenih površina, obnova, održavanje i njega drveća, održavanje i obrezivanje ukrasnog grmlja i živice, održavanje i njega sezonskih i trajnih cvjetnjaka, održavanje sipinjenih površina dječijih igrališta, održavanje opreme na dječjim igralištima, fitosanitetska zaštita bilja, proizvodnja komposta i biljnog materijala za

potrebe održavanja, nabavka, sađenje i održavanje sezonskog cvijeća i trajnica, deponiranje sakupljenog otpada, kao i ostali poslovi strukovno potrebni za održavanje javnog zelenila

Javne zelene površine će se kositi devet puta u sezoni, prihranjivati umjetnim gnojivom dva puta u sezoni i zalivati po potrebi.

Košenje ovih površina obavljaće se mašinski, uz istovremeno kupljenje i odvoženje pokošene trave na privremenu deponiju unutar zelene površine koja će se po završetku košenja odmah odvesti na deponiju (kontejner).

Održavanje javnih površina obuhvaća sljedeći obim radova:

- čišćenje objekata i elemenata javnog zelenila (proljetno i jesenje izgrabljivanje travnjaka i sakupljanje otpadaka i lišća sa odvozom na gradsku deponiju)
- održavanje travnjaka (mašinsko košenje trave sa odvozom u kontejner)
- održavanje drveća (orezivanje krošnje sa odvozom, zamjena i sadnja novih stabala)
- održavanje grmlja (orezivanje i sanitarna rezidba, okopavanje, plijevljenje, sadnja)
- održavanje živice (orezivanje, plijevljenje, okopavanje)
- održavanje ruža (orezivanje, sadnja, okopavanje, plijevljenje, prihrana, fitosanitetska zaštita, rezanje ocvalih cvjetova),
- održavanje gredica sa sezonskim cvijećem i trajnicama (nabavka i sađenje sezonskog cvijeća i trajnica, postavljanje betonskih cvijetnjaka, održavanje postojećih betonskih cvijetnjaka, što podrazumijeva pripremu, sađenje, zalivanje, prihranu ljetnica i proljetnica, priprema i sadnja, zalivanje i prihrana ljetnica i proljetnica u gredicama)
- održavanje staza (struganje koroza sa staza, odvoz suhog lišća i trave, opsjecanje rubova staza, uništavanje koroza herbicidom, nasipanje staza sipinom)
- održavanje gradskih fontana (čišćenje)
- održavanje klupa i košara za otpatke (popravak, bojenje i sl.)

LOKACIJA JAVNE ZELENE POVRŠINE	VRSTA AKTIVNOSTI	UČESTALOST
Urbano područje: I, II, III, IV, V i VI zona 32.569,00 m ²	Čišćenje zelenih površina od svih vrsta otpadaka, uključujući pražnjenje korpica	Sedmično x 2
Zgrada Suda	Održavanje žive ograde sa odvozom na deponiju	Godišnje x 2
Zgrada MUP-a		
Zgrada Pošte		
Zgrada Doma kulture		
Pojas uz prugu kod Starog hotela		
Naselje solidarnosti		
I i II zona	Mašinsko šišenje trave sa uklanjanjem trave	Godišnje x 9 (32.569,00m ²)
III i IV zona		
V i VI zona		
I i II zona	Održavanje ukrasnog grmlja	Godišnje x 2
III i IV zona		
V i VI zona		
I i II zona	Održavanje ruža	Godišnje x 2 2 radnika, 2 dana

I i II zona	Održavanje gredica i betonskih žardinjera	Godišnje x 2 1 radnik, 2 dana
I i II zona	Održavanje stabala	Po nalogu
III i IV zona		
I i II zona	Održavanje gradskih fontana	Mjesečno x 1 (mart-oktobar)
I i II zona	Održavanje klupa i korpica	Godišnje x 1
III i IV zona		
Lokacije dječijih igrališta	Održavanje sipinjenih površina	Po nalogu maximalno 1 x Mjesečno
Cvjetne gredice i žardinjere	Nabavka sezonskog cvijeća, trajnica, ukrasnog grmlja i drveća, sjemena trave, đubriva i sredstava zaštite	Po nalogu

Član 15.

ODRŽAVANJE JAVNE RASVJETE

Pod pojmom "održavanje javne rasvjete" podrazumijeva se upravljanje i održavanje objekata i uređaja javne rasvjete, što uključuje i podmirivanje troškova električne energije za osvjetljavanje javnih površina, ulica, cesta koje prolaze kroz naselje i nekategorisanih cesta.

Kod javne rasvjete planirano je:

- održavanje i sanacija javne rasvjete što podrazumijeva tekuće održavanje rasvjete (zamjena sijalica, osigurača, prigušnica, kablova i ostalog potrošnog materijala)
- utrošak električne energije za rad javne rasvjete koja je u funkciji
- obimniji radovi na izgradnji i rekonstrukciji javne rasvjete vršiće se u skladu sa Programom utroška sredstava Transfera za javnu rasvjetu, sa kriterijima za raspodjelu
- finansiranje potrošnje javne rasvjete

Član 16.

DEKORISANJE

U povodu obilježavanja državnih praznika, kao i u povodu obilježavanja Dana općine Zavidovići državna, kantonalna i općinska zastava trebaju biti istaknuti na zgradu i jarbole ispred zgrade Općine Zavidovići kao i na zgrade Javnih ustanova.

Na pročeljima poslovnih prostora na području grada obavezno isticanje državne zastave na dan državnog praznika.

Prilikom obilježavanja Dana općine Zavidovići kantonalnu i općinsku zastavu pored isticanja na jarbole ispred zgrade i na zgradi općine, općinske zastavice postaviti na stubove javne rasvjete i to:

- u ulici «Zlatnih ljljana» od semafora na raskrsnici ulice «Dr. Pinkasa Bandta» i ulice «Safvet Bega Bašagića» do lokacije zv. «Garaža»,
- u ulici «Dr. Pinkasa Bandta» od semafora na raskrsnici ulica «Safvet bega Bašagića» i «Zlatnih ljljana» do raskrsnice «na Krivaji»,
- u ulici «Alije Izetbegovića» od raskrsnice ulice «Gazi Husref Bega» do naselja Lamele «Klek»,
- u ulici «Mehmed paše Sokolovića» od raskrsnice ulice «Safvet Bega Bašagića» do izlaza na ulicu «Gazi Husref Bega»,
- u ulici «Maršala Tita» kao i od podvožnjaka u ulici «Safvet Bega Bašagića» do raskrsnice sa ulicom «Mehmed paše Sokolovića».

Na Mostu «318. Brdske brigade» u ulici «Safvet Bega Bašagića» i «Krivajskom mostu» od ulice «Gazija» do raskrsnice ulice «Dr. Pinkasa Bandta» na stubove javne rasvjete postaviti kantonalne i općinske zastavice, kao i ispisani transparent koji se praznik obilježava a koji će biti postavljen iznad mosta i pričvršćen za stubove javne rasvjete sa obadvije strane mosta.

Povodom obilježavanja vjerskih praznika vršiće se prigodno dekorisanje u gradu postavljanjem ispisanih transparenta sa tradicionalnim označavanjem vjerskog praznika i to na lokacijama:

- ispisani transparent u povodu proslave Ramazanskog i Hadžijskog Bajrama postaviti iznad mosta i pričvršćen na stubove javne gradske rasvjete sa obadvije strane mosta na Mostu «318. Brdske brigade» u ulici «Safvet Bega Bašagića» i «Krivajskom mostu» u ulici «Dr. Pinkasa Bandta» kao i u ulici «Zlatnih ljiljana» kod poslovne zgrade – sjedišta Islamske vjerske zajednice.

- u povodu obilježavanja katoličkog Božića i Uskrsa te pravoslavnog Božića i Vaskrsa ispisane transparente sa čestitkama za vjerski praznik postaviti na stubove javne rasvjete na Mostu «318. Brdske brigade» u ulici «Safvet Bega Bašagića».

- prilikom održavanja kulturnih i sportskih manifestacija u gradu, na stubove javne gradske rasvjete, na «Bosanskom i Krivajskom mostu», a zavisno od značaja manifestacije i u užem gradskom jezgri u ulicama, postaviti općinske zastavice i prigodne zastavice koji označavaju početak manifestacije koja se održava, te ispisane transparente o nazivu manifestacije koja se održava u kojem terminu (sa danom početka i završetka manifestacije).

Dekorativni svjetleći ukrasi iluminacijske elemente u povodu obilježavanja «Nove godine» postaviti na stubove javne rasvjete na lokacije u:

- ulici «Mehmed Paše Sokolovića»,
- ulica «Safvet Bega Bašagića»,
- ulica «Alije Izetbegovića»,
- ulica «Pinkasa dr. Banta» od raskrsnice ulice «Patriotske lice» do raskrsnice ulice «Zlatnih ljiljana» i «Safvet bega Bašagića»,
- ulica «Gazi Husref Bega»,
- ulica «15. Septembar»,
- ulica «Maršala Tita»,
- ulica «Hasna Kjačije Prušćaka» ispred Centra za kulturu, stambeno poslovno naselje «Gaj I» i «Gaj II»,
- ulice «Stjepana Radića»,
- ulice «8. Marta».

Viseće svjetleće ukrase za premoštavanje ulica postaviti na:

- Most «318. Brdske brigade»,
- «Krivajskom mostu»,
- pješačkom mostu «Duga»,
- u ulici «Alije Izetbegovića» kod stambeno-poslovnih Blokova «ABC» Blok «B», kod stambeno poslovne zgrade zvane «Zema» i ulici «Zlatnih ljiljana» kod stambene zgrade do zgrade «Šumarstva».

Ukrašavne krošnji drveća sa dekorativnim iluminacijskim elementima postaviti na lokaciji:

- u ulici «Safvet Bega Bašagića» kod Gradske apoteke,
- u ulici «Alije Izetbegovića» od stambeno poslovnih Blokova «ABC» do raskrsnice prema zgradi Šumarstva,
- plato ispred zgrade Inženjeringa prema «Prvoj osnovnoj školi»,
- plato ispred Doma kulture i Hotela «Kristal»,
- u ulici «Prvomajska» ispred stambene zgrade.

- 600 -

Član 17.

ODRŽAVANJE JAVNIH ČESMI I FONTANA I JAVNIH NUŽNIKA

Pod održavanjem javnih česmi podrazumjeva se održavanje i uređivanje javnih česmi dva puta godišnje i to :

- Javna česma "Česma" u ulici "Česme",
- Javna česma "Hadžijna voda" u naselju Skroze.

Pod održavanjem javnih Fontana podrazumjeva se održavanje i uređivanje fontana deset puta godišnje i to:

- Javna fontana "Kamena kugla"
- Javna fontana na Spomen obilježju 1992-1995.
- Javna Fontana na semaforu.

Pod uređivanjem i održavanjem javnih nužnika podrazumijeva se svakodnevno održavanje javnog nužnika ispod Mosta "318. Brdske brigade"

Član 18.

OBAVLJANJE KAFILERIJSKIH USLUGA

Pod obavljanjem kafilerijskih usluga podrazumjevaju se poslovi stalnog i sigurnog uklanjanja životinja, pasa lualica, lešina životinja, određenih nusproizvoda klanja, konfrikata I valioničnog otpada sa javnih površina i poslovi eutanazije životinja

Član 19.

ODRŽAVANJE GROBALJA

Pod održavanjem grobalja podrazumjeva se čišćenje, uređenje, sanacija i uklanjanje korova i rastinja, planske sadnje cvijeća i novih sadnica dva puta godišnje.

Član 20.

ZIMSKA SLUŽBA (ČIŠĆENJE I RAZGRATANJE SNIJEGA I LEDA SA JAVNIH GRADSKIH POVRŠINA I LOKALNIH PUTEVA, POSIPANJE ULICA I LOKALNIH PUTEVA ABRAZIVNIM MATERIJALOM)

a) Pojam zimske službe

Pod zimskom službom podrazumjevaju se radovi neophodni za održavanje prohodnosti ulica, trotoara, trgova, mostova i drugih saobraćajnih javnih površina za režim saobraćaja u zimskim uslovima.

Zimska služba obuhvata skup aktivnosti i poslova, potrebnih za omogućavanje motornog saobraćaja na ulicama i pješackog saobraćaja na trotoarima i ostalim površinama i objektima zajedničke komunalne potrošnje predviđenih za saobraćanje vozila i pješaka. Izvode se, kada je zbog zimskih pojava (snijeg, poledica, led i dr.) ugroženo normalno odvijanje saobraćaja. Nepravilno i nepravovremeno posredovanje ovlaštenih službi bi u zimskim prilikama prozrokovalo veliku privrednu štetu, zato je neophodno organizovati kvalitetnu službu za zimsko održavanje ulica i drugih površina.

Za neometano izvođenje zimske službe, bez većih zastoja saobraćaja, potrebno je pripremiti slijedeće:

- obezbijediti dovoljnu količinu sredstava za posipanje;
- osposobiti svu potrebnu mehanizaciju, opremu i specijalne zimske mašine za rad u zimskoj službi;

- pripremiti i opremiti ulice sa odgovarajućom zimskom signalizacijom i opremom;
- organizovati pravovremeno obavješta vanje korisnika ulica preko sredstava javnog informisanja.

Zimska služba, odnosno zimsko održavanje cesta je samo jedan segment u sklopu redovnog održavanja cesta zbog izuzetnih prilika, koje nastaju na cestama, prije svega kod poledice, snijega, grada, leda i drugih prilika; najteže je, a ujedno i najzahtjevnije. Iz tog razloga je neophodno posebno dobro se pripremiti za ove aktivnosti. Sve zahvate u vezi sa zimskom službom je potrebno napraviti pravovremeno. Na isti način treba pristupiti preventivnom posipanju kolovoza, kao i posipanju i odstranjivanju snijega sa kolovoza, trotoara i drugih površina, a nakon završenog zimskog perioda čišćenju ulica, trotoara i drugih površina odstranjivanjem dopunske signalizacije, opreme i cestovnih sprava za zimsku službu te uredjenju okoline kolovoza.

Nivo zimske službe treba da bude takav, da se, kako privredna, tako i materijalna šteta, koje inače u svakom slučaju nastanu, smanje do optimalne granice.

b) Odstranjivanje snijega

Odstranjivanje snijega sa kolovoznih površina, trotoara i drugih površina počinje pravovremeno, tako da visina snijega na cestama svih prioriteta (I, II i III prioritet) ne prelazi 5 cm, a saobraćaj je moguć uz upotrebu zimske opreme vozila.

Čišćenje se vrši grejderom, kamionom sa plućnom daskom, traktorskim ralicama i drugom građevinskom mehanizacijom za ove namjene.

Čišćenje se vrši odlaganjem snijega na bankinama (ukoliko postoje), a za ulice sa trotoarima, snijeg se ne smije odlagati na iste, niti na parking uz ulice, pješačke i druge površine, nego se mora utovariti u vozila i odvoziti na deponiju. Čišćenje se vrši po utvrđenim prioritetima.

Radovi nakon prestanka oborina obuhvataju proširenje očišćenog kolovoza, ručno čišćenje mostova i propusta, čišćenje raskršća, čišćenje saobraćajne signalizacije, autobuskih stajališta, čišćenje parkirališta, trotoara, stepeništa i drugih površina.

c) Poledica

Poledica nastaje na kolovozu, kada dolazi do pojave leda na kolovozu u vrijeme negativnih temperatura ($\pm 0^{\circ}\text{C}$) usljed vlage i vode na kolovozu, kao i ostatka snijega na kolovozu. Najveća učestalost poledice nastane kada je danju toplo (i snijeg se topi), a noću smrzava. Zato dežurne ekipe moraju stalno nadzirati stanje kolovoza ulica, trotoara i ostalih površina, posebno kritičnijih sekcija, koje su kao takve već iskustveno poznate. To važi prije svega za oštre krivine, veće kosine, mostove, sjenovite odsjeke, raskršća i mjesta, gdje teče voda sa prilaznih cesta, voda sa kosina, bermi i rigola i stepeništa.

Takva mjesta se posipaju preventivno, odnosno odmah, kada se na kolovozu uoči pojava poledice. Iz navedenih razloga potrebno je vršiti preventivno posipanje, već pri dovoljnoj vjerovatnoći nastanka poledice. To važi za sve prioritete.

d) Mehanizacija i oprema

Mehanizacija i oprema za zimsku službu moraju biti pripremljene i postavljene na polazna mjesta. Kvarovi, koji nastanu na vozilima, mašinama i opremi, se otklanjaju na terenu, ukoliko je to moguće, inače se otklone u radionici JKP "Radnik". Menadžment preduzeća je odgovoran da se nastali kvarovi otklone u što kraćem mogućem roku, također i izvan redovnog radnog vremena. Svi ti popravci se vrše prioritarno. O otkazivanju vozila, mašina ili izostancima radnika se mora obavijestiti Nadzorni organ, odmah po uočavanju problema, te izvršiti odgovarajuću nadoknadu (zamjenu mašine).

e) Materijali za posipanje

Materijali za posipanje trebaju biti na zalih prije početka sezone zimske službe, najmanje u količini 30% od ukupne procjene potrebnih materijala. Dostava preostalog materijala će se usklađivati sa potrebama tokom trajanja zimske službe.

Sprečavanje klizavosti kolovoza vrši se u pravilu posipanjem mješavine soli i kamenog agregata, a u nedostatku soli može se posipati samo kamenim agregatom ili pijeskom. Posipanje se vrši kamionom sa posipačem, a posipa se samo traka širine 2 m i to po osi kolnika, a u količini od cca 150 kg soli/km kolovoza, odnosno 0,10 m³/km agregata. Posipaju se isključivo asfaltirani kolovozi, trotoari i druge površine, a makadamske samo ako postoji opravdana potreba. Ukoliko se ne postignu željeni efekti u jednom prolazu, može se vršiti naknadno posipanje cijele dionice ili samo zavoja, mostova, uspona i raskršća na određenoj dionici ulice. Pješačke površine s kamenom ili betonskom podlogom posipaće se sredstvom za ove materijale.

f) Prioriteti intervencija

1. **PRIORITET I** – ulice koje se nalaze u I i II zoni Odluke o utvrđivanju zona.
U ovom prioritetu čišćenju i posipanju pristupa se odmah po nastanku poledice ili padanju snijega tako da se radovi na osiguranju prohodnosti moraju dovršiti u roku 2 sata, računajući od trenutka prestanka padavina. Posipanje se vrši solju izmiješanom sa agregatom.
2. **PRIORITET II** – ulice koje se nalaze u III i IV zoni Odluke o utvrđivanju zona.
Za ulice iz II. prioriteta vrijedi da se radovi na osiguranju prohodnosti moraju dovršiti u roku od 3 sata, računajući od trenutka prestanka padavina. Posipanje se vrši solju izmiješanom s agregatom.
3. **PRIORITET III** – ulice koje se nalaze u V i VI zoni Odluke o utvrđivanju zona.
Za ulice iz III. prioriteta vrijedi da se radovi na osiguranju prohodnosti moraju dovršiti u roku od 5 sati, računajući od trenutka prestanka padavina, odnosno po završetku svih radova na cestovnim pravcima I. i II. Prioriteta.

PRIORITET	ZONA	PROHODNOST	SNJEŽNE PADAVINE	JAKE SNJEŽNE PADAVINE
I	I i II	24 sata	Obezbijediti prohodnost, bez zastoja	Obezbijediti prohodnost, bez zastoja, gdje postoje dvije trake obezbijediti prohodnost najmanje jedne trake
II	III i IV	24 sata	Obezbijediti prohodnost, mogući zastoji samo u periodu između 24 i 5 sati	Obezbijediti prohodnost, gdje postoje dvije trake obezbijediti prohodnost najmanje jedne trake, mogući zastoji samo u periodu između 24 i 5 sati
III	V i VI	24 sata	Obezbijediti prohodnost, mogući zastoji samo u periodu između 22 i 5 sati	Obezbijediti prohodnost, gdje postoje dvije trake obezbijediti prohodnost najmanje jedne trake, mogući zastoji samo u periodu između 22 i 5 sati

g) Nadzor nad stanjem prohodnosti

Nadzor nad stanjem prohodnosti je organizovan u okviru vršenja nadzora kojeg obavlja nadzorni organ, a koji dnevno po planu pregledava ulice i druge površine i o tome obavještava dežurne u zimskoj službi. Prema potrebi se obavljaju i eventualni manji poslovi za uspostavljanje sigurnog i tekućeg saobraćaja (uredjenje odvodnjavanja, odstranjivanje snijega i poledice ručno, davanje zahtjeva za isključivanje vozila na cestama u vanrednim prilikama).

Svaka aktivnost i djelovanje zimske službe treba biti evidentirana u dnevniku zimske službe koji potpisuje rukovodilac zimske službe i nadzorni organ, u svojstvu odgovornog lica investitora. Na temelju podataka iz dnevnika vrši se plaćanje tranši zimskog održavanja. Za utvrđene manjkavosti u funkcioniranju zimske službe, koje se ne otklone u roku koji naloži nadzorni organ, naplaćuju se penali odbijanjem od mjesečne tranše za zimsku službu, za taj mjesec, u iznosu od 5% vrijednosti tranše.

h) Trajanje zimske službe

Prethodne aktivnosti

Prethodne aktivnosti traju od 01.10. do 15.11. svake godine. To su pripremni poslovi, koji obuhvataju:

- postavljanje zimske signalizacije;
- postavljanje rubnih motki;
- pripremu deponija za materijale za posipanje;
- pripremu cestovnih baza za boravak osoblja (po potrebi);
- pripremu zimske mehanizacije,
- obrazovanje radnika.

Zimska služba

Zimska služba traje od 15.11. budžetske do 15.03. naredne godine. To je određeni period za izvođenje zimske službe. Za to vrijeme se zimska služba izvodi po određenom prioritetu sa određenim osposobljenim posadama i određenom mehanizacijom, opremljenom za izvođenje zimske službe. Zimska služba se prema potrebi izvodi također i prije 15.11. budžetske, te nakon 15.03. naredne godine. O produžavanju odlučuje Općinski načelnik, u skladu sa propisima.

Naknadne aktivnosti

Naknadne aktivnosti će se izvoditi nakon završetka zimske službe, t.j. od 15.03. do 15.04. svake godine. Te aktivnosti su prije svega:

- odstranjivanje zimske signalizacije;
- odstranjivanje rubnih motki;
- pospremanje i čišćenje deponija;
- pospremanje i čišćenje cestovnih baza;
- čišćenje, remont i konzerviranje zimske mehanizacije,
- čišćenje i pranje ulica i drugih površina, te ručno čišćenje i uklanjanje posipnog materijala
- čišćenje kanala, rigola i slivnika

- 604 -

PRELAZNE I ZAVRŠNE ODREDBE**Član 21.**

Primjena odredbe člana 4., poglavlje V, tačka 1., 2. i 3. ove Odluke primjenjivat će se i na ostale saobraćajne površine, ukoliko Općina Zavidovići zaključi ugovor sa Javnom ustanovom za ceste.

Član 22.

Standardi za sljedeće komunalne djelatnosti individualne i zajedničke komunalne potrošnje:

- snabdijevanje prirodnim gasom,
- obavljanje javnog prevoza putnika,
- održavanje javnih parking prostora i javnih garaža,
- obavljanje pogrebnih poslova,
- održavanje tržnica i pijaca na malo,
- obavljanje dimnjačarskih poslova,
- održavanje grobalja i njegove prateće infrastrukture
- održavanje javne rasvjete,
- obavljanje kafilerijskih usluga,
- održavanje javnih česmi i fontana i javnih kupatila i javnih nužnika,
- održavanje javnih satova,
- održavanje pasivnih mezariluka – grobalja, spomenika i spomen kosturnica i prateće

infrastrukture u užem urbanom dijelu grada, koji nisu utvrđeni ovom Odlukom utvrdit će se kada JKP «Radnik» d.o.o. Zavidovići bude obavljao navedene komunalne djelatnosti.

Član 23.

Ova Odluka stupa na snagu prvog narednog dana od dana objavljivanja u «Službenom glasniku općine Zavidovići».

**PREDSJEDAVAJUĆI
OPĆINSKOG VIJEĆA**

(M.P.)

ing. Radosav Petrović, s.r.